



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

Odluka
o stavljanju van snage Odluke o poklonu i davanju saglasnosti na Ugovor o poklonu
putničkog kombi vozila
(Prijedlog)

Predlagač: Gradonačelnica
Obradivač: Stručna služba za poslove
kabineta i poslove Gradske uprave

Sarajevo, decembar 2022. godine

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Na osnovu člana 26. stav (1) tačka 2. i tačka 10. kao i člana 74. stav (1) Statuta Grada Sarajeva („Službene novine Kantona Sarajevo“, broj 34/08 – prečišćeni tekst), Gradsko vijeće Grada Sarajeva, na __. sjednici održanoj dana __. __. 2022. godine, donijelo je:

(Prijedlog)

**Odluku
o stavljanju van snage Odluke o poklonu i davanju saglasnosti na Ugovor o poklonu
putničkog kombi vozila**

Član 1.

(Stavljanje van snage)

Ovom odlukom stavlja se van snage Odluka o poklonu i davanju saglasnosti na Ugovor o poklonu putničkog kombi vozila, („Službene novine Kantona Sarajevo“, broj 31/20).

Član 2.

(Ovlaštenje)

Zadužuje se gradonačelnica Grada Sarajeva da putem nadležne službe izvrši evidentiranje putničkog kombi vozila iz člana 1. ove odluke kao osnovno sredstvo Grada Sarajeva.

Član 3.

(Stupanje na snagu)

Ova odluka stupa na snagu danom donošenja i bit će objavljena u „Službenim novinama Kantona Sarajevo“.

PREDSJEDAVALAČI GRADSKOG VIJEĆA

Jasmin Ademović

Broj:
Sarajevo, __. __. 2022. godine

OBRAZLOŽENJE

PRAVNI OSNOV

Pravni osnov za donošenje ove odluke sadržan je u članu 26. stav (1) tačka 2. Statuta Grada Sarajeva („Službene novine Kantona Sarajevo“, broj 34/08 – prečišćeni tekst) kojim je propisano da Gradsko vijeće u okviru svojih nadležnosti donosi odluke, druge propise i opće akte i daje njihovo tumačenje, i tački 10. kojom je propisano da Gradsko vijeće upravlja i raspolaže imovinom grada Sarajeva kao i u članu 74. stav (1) Statuta Grada Sarajeva kojim je propisano da Gradsko vijeće donosi: Statut Grada Sarajeva, poslovnik Gradskog vijeća, godišnji program rada Gradskog vijeća i Budžet, platformu, strategiju, planski akt, program, preporuku, smjernicu, deklaraciju, rezoluciju i izjavu, odluku, izvještaj, informaciju i zaključak i druge akte iz nadležnosti Gradskog vijeća Grada Sarajeva u skladu sa zakonom.

RAZLOZI DONOŠENJA

Gradsko vijeće grada Sarajeva na 40. sjednici održanoj dana 30.07.2020. godine donijelo je Odluku o poklonu i davanju saglasnosti na Ugovor o poklonu putničkog kombi vozila („Službene novine Kantona Sarajevo“, broj 31/20). Na osnovu navedene odluke između Grada Sarajeva i JU Dom zdravlja Kantona Sarajevo, dana 19.08.2020. godine, zaključen je Ugovor o poklonu putničkog kombi vozila broj: 01/04-11-4255-2/20, a kojim je Grad Sarajevo u svojstvu poklonodavca pokloni putničko kombi vozilo marke „VOLKSWAGEN“, registarskih oznaka T36-O-403, broj šasije WV2ZZZ7HZJH170963, JU Dom zdravlja Kantona Sarajevo bez ikakve naknade ili tereta kao izraz prijateljstva i dobre saradnje.

Obzirom da se poklonjeno putničko kombi vozilo zbog svoje namjene nije moglo koristiti kao sanitetsko vozilo, a istovremeno je iziskivalo troškove zbog potrebe redovnog održavanja, te na osnovu iskazane potrebe Grada Sarajeva za istim, a u svrhu realizacije projekta JP Olimpijski bazen Otoka d.o.o., gdje će putničko kombi vozilo biti potrebno za prevoz djece, Upravni odbor JU Dom zdravlja Kantona Sarajevo donio je Odluku o davanju saglasnosti za povrat putničkog automobila broj: 01-01-271-57/22 od 18.03.2022. godine.

Na osnovu navedene Odluke i potreba grada Sarajeva, zaključen je sporazumni raskid ugovora o poklonu, broj: 01/04-2816-1/22 od 01.04.2022. godine.

O svemu gore navedenom Gradsko vijeće grada Sarajeva je informirano na 15. sjednici, održanoj dana 27.04.2022. godine, putem „Informacije o sporazumnom raskidu Ugovora o poklonu između Grada Sarajevo i JU Dom zdravlja Kantona Sarajevo“.

Na osnovu sporazumnog raskida Ugovora o poklonu broj: 01/04-2816-1/22 od 01.04.2022. godine između ovlaštenih lica Grada Sarajeva i JU Dom zdravlja KS, dana 13.04.2022. godine izvršena je primopredaja putničkog automobila marke „VOLKSWAGEN“, registarskih oznaka T36-O-403, broj šasije WV2ZZZ7HZJH170963.

Kako je neophodno da se, shodno odredbi člana 26. stav (1) tačka 10. Statuta Grada Sarajeva („Službene novine Kantona Sarajevo“, broj 34/08 – prečišćeni tekst), predmetno putničko vozilo evidentira kao imovina Grada Sarajeva i upiše u evidenciju osnovnih sredstava, to se pristupilo sačinjavanju ovog prijedloga u cilju stvaranja formalno-pravnih uslova za evidenciju predmetnog osnovnog sredstva. Pribavljena je i procijenjena vrijednost te je ustanovljena vrijednost u ukupnom iznosu od 65.000,00 KM.

Cjelokupna dokumentacija zajedno sa ovom odlukom, predat će se Gradskoj službi finansija na nadležno postupanje.

Shodno gore navedenom, Gradskom vijeću Grada Sarajeva dostavlja se Prijedlog Odluke na razmatranje i odlučivanje.

FINANSIJSKA SREDSTVA

Finansijska sredstva za realizaciju ove odluke nisu potrebna.